

豫

章

焚

書

第七冊

彙

萃

焚

書

卷之四

山窓餘稿

庚申五月刊

於南昌退廬

欽定四庫全書總目卷一百六十八

集部

別集類

山窗餘稿一卷

浙江鮑士恭家藏本

元甘復撰復字克敬餘干人其詩源出於張翥雖不及翥之才力富健諸體兼備而風懷澄澹意境翛然五言古體綽有韋柳之遺其格韻乃似在翥上蓋才有所偏長詣有所獨至也元亡之後道跡以終著作散佚僅存手墨於同里趙石蒲家凡文數十篇詩十餘首明成化中石蒲之孫琥始爲繕錄開雕復見於世雖零篇斷簡所剩無多而詩格文筆一一高潔疑復當日自

擇其最得意者手錄此帙故篇篇率有可觀轉
勝於珠礫雜陳務盈卷帙徒供覆瓿者矣顧嗣
立元詩選稱琥刻是編劉憲爲序此本僅有琥
跋不載憲序蓋刊版散失之後輟轉傳鈔佚之
矣然復集自足傳亦不以序之有無爲輕重也

山窗餘稿目錄

文

陳氏野逸軒記

行解

書人傑張先生哀辭後

吳氏四友軒記

贈陳君伯柔序

書周氏族譜後

何氏耕樂軒詩叙

太公釣圖序

送涂處士歸宜黃叙

贈李伯禹序

谷春詩序

祭社文

書許聖瑞自製墓誌銘後

艾仲庸文集序

答李振宗書

書饒子進詩集後

贈何孟車序

卜筮集要序

涂子東遊藁序

重修東山寺記

書羅尊聞先生遺藁序

書袁孟充字說後

書梅隱卷後

吳明善先生文藁序

章子漁詩藁序

書松石詩卷後

書彭南溟行卷後

感陸蟠文

蠨蛸說

吳梓材文集序

送馬彥會歸豫章序

趙文昭詩集序

宋無名傳

贈王生序

徐氏茅屋詩序

讀東坡文

書張氏瑞香詩序後

張孟元詩藁序

周氏山堂詩序

書張孟舉字說後

與伯實先生書

畚涂徵士書

與艾季誠書

畚章子漁書

答吳明善先生書

與馬彥會書

與李立卿書

歐氏蔣山草堂記

贈陳氏子序

贈嚴仲敬序

詩

道中

宿山家

晚至陳氏館

曉起

晚出池上

秋懷

春曉

送別

山堂詩爲周伯清賦

贈仲庸艾先生

送趙文昭之沔陽知事

陳氏館書懷

野中別友

登東皋

曉出西園由谷中歸

山窗餘稿目錄

山窗餘稿

陳氏野逸軒記

元 餘干 甘復

興安陳平仲甫別居瑄谿之上疏泉植四時花木藝
蔬果結茅以怡老列閒軒臨于水竹之裔爲良朋暇
日琴奕觴詠之所扁曰野逸而求記於余余謂逸非
君子所尚也周公嘗以無逸戒成王矣而世自有取
乎逸者豈非以逸之得其時邪夫君子在下而未遇
也厲其氣植其志考經傳而博古今冀以行其義發
其所蘊用時而官於朝也惟職之是勤恐上負於其

君下負於其民而有尸位之譏曠官之責焉君子非
惟不敢以逸且有不暇也及其旣老謝事而歸于野
也枕石棲谷玩花草弄雲月無求於己無責于人而
與世外之士相往還澹然乎物之表蓋非有意于逸
而逸將有以自至者其勢然也平仲甫之少也常用
力於文學壯始遊于京師結交四方之賢士其官老
而歸也且遇天下之大亂徜徉乎岩石之間思曩昔
之役其身於外勞其心于內豈不爲逸邪且余聞伯
夷叔齊孔子以逸民稱焉以其遺世而自足也今平
仲甫之樂其志于遊倦之餘其亦有以自足也歟

行解

有語甘子者曰子博碩之士也抑知今之與古異乎
古之道不宜於今之俗矣古之有道之士非求世之
知也鄉閭稱之同列推之在勢者援之君之明者辟
之接之以賢良尊之以師傅祿之以鍾廩雖欲抱道
自重而卒不能不顯于世今也儒之爲道日衰廢而
不張靡而不起誕詭之是矜媚巧之是諛以倡以和
合氣反聲雖使古之君子復生今世將爲所嗤詆折
困以沒爾子以匹夫之賤無援於當途而抗以高志
潔以遐躅闢浮淫黜阿陂混混以趨指激爲疵目之